



Pou Piblikasyon Imedya: 23/02/2023

GOUVÈNÈ KATHY HOCHUL

## GOUVÈNÈ HOCHUL AP SELEBRE FAZ FINAL TRANSFÒMASYON JFK AVÈK INOGIRASYON YON NOUVO TÈMINAL 6 KI KOUTE 4.2 MILYA DOLA

*Pwojè a pral kreye plis pase yon total 4,000 djòb ki enkli 1,800 djòb konstriksyon sendikal*

*Tèminal 6 la pral ofri ekipman klas mondyal pou pasaje yo, kapasite vwa sikilasyon ak pòtay ki elaji, sekirite modèn epi aksè nan wout ki senplifye*

*Gen ladan yon objektif MWBE ki egal a 30 poustan pou kontra ak enterè finansman; vas opòtinite pou biznis lokal yo ak moun k ap chèche travay yo k ap gide pa Konsèy Konsilitatif Kominotè*

*Reprezantasyon grafik pou nouvo Tèminal 6 la disponib [isit la](#)*

Gouvènè Kathy Hochul ak Otorite Pòtyè New York ak New Jersey (Port Authority of New York and New Jersey) te selebre jodi a yon etap enpòtan nan transfòmasyon Otorite Pòtyè Ayewopò Entènasyonal John F. Kennedy (John F. Kennedy International Airport) avèk inogirasyon pwojè 4.2 milya dola ki vize devlope yon nouvo Tèminal 6. Nouvo tèminal modèn 1.2 milyon pye kare ki sou bò nò ayewopò a pral genyen 10 nouvo pòtay - ki gen ladan 9 pòtay a fizelaj laj - epi li pral kreye 4,000 djòb, ki gen ladan 1,800 djòb nan konstriksyon. Pwojè sa a se dènye pyès plan JFK Vision pou kòmanse, epi li pral konplete transfòmasyon ayewopò a pou tounen yon pòtay mondyal 21yèm syèk la.

"New York rete angaje pou l bay vwayajè yo yon premye eksperyans ki gen ladan ekipman klas mondyal yo, transpò ayewopò elaji ak senplifye, ak sekirite modèn", **Gouvènè Hochul te deklare.** "Inogirasyon Tèminal 6 la ofri yon vizyon konplè pou pòtay mondyal modènize a pandan l ap ajoute 4,000 djòb nan mendèv New York. Felisitasyon pou tout moun ki te dedye plizyè ane travay di pou rann etap enpòtan istorik sa a posib".

Nouvo Tèminal 6 la se yon patenarya publik-prive ant Otorite Pòtyè New York ak New Jersey ak JFK Millennium Partners - yon konsòsyòm ki gen ladan Vantage Airport Group, yon envestisè, pwomotè, ak manadjè prensipal nan endistri pwojè ayewopò mondyal ki genyen prim yo, enkli Tèminal B nan LaGuardia; American Triple I, yon

envestisè ki sètifye ki apateni ak yon minorite, pwopriyetè, pwomotè, ak manadjè resous enfrastrikti, ki gen patisipasyon 30 pouzan nan pwojè a; konpayi eksplwatasyon byen imobilye New York RXR; ak JetBlue Airways, esponnsò konpayi avyon pwojè a.

JFK Millennium Partners ap devlope nouvo tèminal la nan de faz, kote premye nouvo pòtay yo ap ouvri an 2026 epi konstriksyon an ap fini an 2028. Nouvo tèminal la pral kreye yon ankraj pou vwayaj pasaje yo sou bò nò JFK a, ki kouvri sit ansyen Tèminal 6 ak Tèminal 7 ki egziste deja a. JFK Millennium Partners ap jere Tèminal 7 jiskaske etablisman ki gen 50 ane a demoli pou fè plas pou dezyèm faz konstriksyon an.

Nouvo sal arive ak depa Tèminal 6 la pral gen espas, klere ak ayere gras ak fenèt atè rive nan plafon ak plafon wo atravè nouvo tèminal la. Atizay publik ki enspire avèk atis ki baze nan New York ak eleman achitekti ki reprezante moniman New York pral kreye yon santiman apatenans inik. Pasaje yo pral jwi plis pase 100,000 pye kare konplèks komèsyal ak manje klas mondal ki gen restoratè lokal yo, opsyon bwason atizanal ak magazen Taste NY.

Teknoloji dènye kri pral amelyore eksperyans kliyan an ak teknoloji san kontak soti nan anrejistremnan nan pòtay ak sistèm dijital ki pral senplifye vwayaj pasaje yo nan tout tèminal la. Sistèm sekirite avanse yo pral gen ladan liy sekirite TSA otomatik, sistèm kontwòl aksè ki baze sou byometrik ak yon konsepsyon fleksib pou akomode teknoloji alavni oswa chanjman nan règleman yo. Y ap pataje yon plas taksi pratik ansanm ak zòn pou pran machin transpò pataje yo deziyen ak Tèminal 5, sa ki diminye anpil konjesyon trafik sou fasad wout tèminal la ak maksimize koneksyon atravè ayewopò a.

Nan kad akò JFK Millennium Partners, Otorite Pòtyè a pral angaje 130 milyon dola nan finansman kapital pou konstwi enfrastrikti ki gen kapasite pou nouvo Tèminal 6 la, ki gen ladan amelyorasyon sou kote pis la, ak amelyorasyon sèvis publik tankou sipò elektrik pou pwojè a. Amelyore sikilasyon avyon sou kote pis la pral diminye anboutejay ak reta, alòske amelyorasyon wout yo pral optimize sikilasyon ayewopò a.

Devlopman Tèminal 6 la prevwa kreye plis pase 4,000 djòb, ki gen ladan 1,800 djòb sendikal nan konstriksyon ak salè dirèk ki nan 1.9 milya dola. JMP angaje pou l satisfè ak depase objektif Otorite Pòtyè pou 30 pouzan patisipasyon Biznis Minorite ak Fanm yo Posede yo epi kreye opòtinite pou ankouraje ak devlope biznis lokal atravè devlopman an. Pwojè Tèminal 6 la fè pati transfòmasyon 18 milya dola Otorite Pòtyè pou JFK anba lidèchip Gouvènè Hochul epi se apèn yon eleman nan angajman global 30 milya dola Otorite Pòtyè a pou kreye etablisman klas mondal nan tout ayewopò yo nan reyon an. Anplis JetBlue, Lufthansa Group pral abrite tou nouvo Tèminal 6 la, opere vòl entènasyonal yo apati plizyè pòtay ak kreye yon eksperyans sal klas mondal pou envite k ap vwayaje nan konpayi avyon li yo, ki gen ladan Lufthansa, SWISS, Austrian Airlines, ak Brussels Airlines.

**Prezidan Otorite Pòtyè a, Kevin O'Toole, te deklare**, "Pandan plizyè jenerasyon, reyon nou an se pòt antre nasyon an pou mond lan. Finalman, avèk transfòmasyon JFK International, l ap tounen ayewopò ke li te toujou destine pou l ye a - yon pòtay mondal dènye modèl ki di vizitè yo te rive nan pi gwo reyon nasyon an. Nan JFK, nan

Ayewopò LaGuardia ak nan Newark-Liberty International, n ap fè envestisman san parèy nan lavni rejyon nou an".

**Direktè Egzekitif Otorite Pòtyè a, Rick Cotton, te deklare**, "Avèk inogirasyon jodi a pou yon nouvo Tèminal 6 dènye kri, chak pwojè ki enkli nan transfòmasyon 18 milya dola JFK pou vin tounen yon pòtay klas mondal ak global swa ankou oswa fini. Yon pati nan angajman 30 milya dola Otorite Pòtyè a pran pou transfòme ayewopò rejyon an, envestisman istorik sa a nan JFK se yon vòt konfyans nan lavni rejyon nou an ki pral asire ke ayewopò a pral non sèlman rete pi okipe nan peyi a pou vwayajè entènasyonal yo, men li pral pamí pi bon ayewopò nan mond lan".

**Prezidan Konsèy JFK Millennium epi Prezidan ak Direktè Egzekitif Jeneral Vantage Airport Group, George Casey, te deklare**, "Se yon gwo onè pou m jwe yon wòl nan akonplisman vizyon Gouvènè Hochul pou transfòme Ayewopò Entènasyonal JFK a pou tounen yon pòtay entènasyonal klas mondal avèk yon nouvo Tèminal 6. Inogirasyon jodi a selebre patenarya solid ant Otorite Pòtyè New York ak New Jersey ak JFK Millennium Partners, reflete travay di ak angajman pataje ekip Vantage nou an ap dirije pou fè avanse transfòmasyon tèminal 4.2 milya dola sa a, epi akselere livrezon nou an nan yon enstalasyon ayewopò ekstraòdinè ki pral bay kominote lokal la, vil la, ak eta ke Tèminal 6 la pral sèvi avèk fyète a anpil avantaj".

**Direktè Egzekitif Jeneral JFK Millennium Partners ak Responsab Egzekitif Vantage, Helena Williams, te deklare**, "Gwo vil yo bezwen gwo ayewopò. Ansanm ak patnè nou yo nan Otorite Pòtyè New York ak New Jersey, Vantage Airport Group, ATI, RXR, ak JetBlue, nou pare pou nou pote yon tèminal ki transfòme eksperyans kliyan an, estimile gwo aktivite ekonomik ak kreye yon bann opòtinite pou biznis lokal minorite ak fanm posede yo pou kite mak yo nan Ayewopò Entènasyonal JFK, kounye a ak alavni".

**Direktè Egzekitif Jeneral JetBlue a, Robin Hayes, te deklare**, "Sa te gen 23 ane de sa lè JetBlue te lanse premye vòl nou yo soti lakay nou nan JFK, ki te evantyèlman pran kontwòl Tèminal 5 modèn nou an, nan voye kliyan yo nan plis pase 80 destinasyon. Kounye a, nan moman JetBlue sou wout pou l grandi anpil, nou kontan anpil pou nou envesti yon lòt fwa ankò epi fè avanse vizyon gouvènè a pandan n ap konstwi nouvo Tèminal 6 la. Pandan n ap deplase JFK vè lavni avèk yon nouvo estalasyon dènye kri, ki konsantre sou kliyan, nou kontan gen yon opòtinite pou elaji prezans nou avèk nouvo pòtay yo nan yon nouvo tèminal. Ekip la k ap mete pwojè sa a an plas ap planifye pou devlope yon tèminal ke Nouyòkè yo, ansanm ak manm ekip JetBlue yo, ka fyè de li".

**Sekretè Prezidan ATI, Henry Cisneros, te deklare**, "Patisipasyon ATI atravè tout aspè pwojè a se yon demonstrasyon sou fason prensip enklizyon an valab; ki jan li etabli etap pou kwasans nouvo biznis, ki jan li bay yon egzanp pou reprezantasyon fanm, minorite, veteran, ak biznis lokal yo nan pwojè sou gwo echèl yo, ak fason li demontre yon mwayer efikas pou kreye yon ekonomi Ameriken kote chak sektè biznis ka sèvi kòz ekite".

**Prezidan RXR, Scott Rechler, te deklare**, "Pandan nou t ap travèse yon pandemi mondal ak yon anviwònman ekonomik k ap chanje byen vit ansanm ak patnè nou yo

nan Otorite Pòtyè a, detèminasyon nou pou rive nan etap enpòtan sa a pa te janm febli. Nouvo tèminal 6 nan Ayewopò Entènasyonal JFK a se yon lòt egzanp sou fason ke avèk envestisman sektè prive ak kreyativite nan kolaborasyon ak sektè piblik la nou ka revitalize enfrastrikti ansyen nou yo pandan n ap estimile vitalite ekonomik. Felisitasyon pou Gouvènè Hochul, Otorite Pòtyè, ak patnè JMP nou yo pou jou istorik sa a".

**Reprezantan Gregory Meeks, te deklare,** "Sa a se yon bèle moman pou Ayewopò JFK. Inogirasyon novo Tèminal 6 la se yon lòt etap nan direksyon pou leve ayewopò a kòm yon premye pòtay mondal. Pwojè a pèmèt kreye plizyè milye travay ki pèmèt plis opòtinite travay pou Nouyòkè yo. N ap envesti nan ekonomi eta nou an k ap grandi epi amelyore enfrastrikti nou an pandan n ap ofri teknoloji dènye kri pou yon eksperyans vwayaj san pwoblèm pou pasaje yo".

**Manm Asanble Clyde Vanel te deklare,** "Nou kontan, nan kominate ayewopò sa a, ke nou gen opòtinite pou nou patisipe totalman nan pwojè enfrastrikti ak ekosistèm ayewopò sa a. Rezidan Sidès Queens yo ka patisipe totalman nan ekonomi ayewopò a; ki gen ladan pwopriyete ak envestisman, opòtinite biznis, djòb wo nivo ak fòmasyon".

**Manm Asanble Alicia Hyndman te deklare,** "Jodi a, Gouvènè Hochul kontinye dirije chaj la nan asire reyamenajman Ayewopò JFK a se yon priyorite. Inogirasyon Tèminal 6 la se yon transfòmasyon pou eta sa a ak kominate Sidès Queens lan. Klas mondal gen ladan nou menm, gen ladan travay sendikal, ak MWBE. Nou te konnen anvan travay yo te kòmanse ke rezidan nou yo te merite opòtinite karyè nan reyamenajman sa a pou ane k ap vini yo. Mèsi a manm Kongrè Gregory Meeks ak Prezidan Minisipalite Queens Donovan Richards pou lidèchip yo, ansanm ak Otorite Pòtyè a".

**Prezidan Minisipalite Queens, Donovan Richards Jr., te deklare,** "Sa a se yon jou istorik pou Minisipalite Monn lan (The World's Borough) ak plizyè milyon moun atravè mond lan ki pran avyon pou antre ak soti nan Ayewopò Kennedy. Plan Vizyon JFK a, youn nan pi gwo pwojè devlopman ekonomik nan istwa Queens, ap reyalize devan je nou. Soti nan kreyasyon 4,000 djòb rive nan novo opòtinite kontra pou ti biznis lokal yo ak MWBE yo, reyamenajman Tèminal 6 la pral repann nan ekonomi Queens la pou ane k ap vini yo. Mèsi Gouvènè Hochul, Otorite Pòtyè, Konsèy Reyamenajman Ayewopò JFK, travayè ki pral konstwi tèminal sa a ak tout moun ki te jwe yon wòl nan mennen nou nan moman monimantal sa a".

**Prezidant Konsèy Vil New York Ia, Adrienne Adams, te deklare,** "Ayewopò Entènasyonal John F. Kennedy se pòtay pou Vil New York, ak pou anpil vizitè, tout peyi nou an. Inogirasyon novo Tèminal 6 la se reyalizasyon yon etap enpòtan pou reyamenajman Ayewopò JFK a epi li pral amelyore eksperyans vwayaj pou tout pasaje yo. Li enpòtan pou ti biznis yo, konpayi MWBE yo, ak rezidan lokal yo nan Sidès Queens ak katye yo ki alantou ayewopò a benefisyé opòtinite ekonomik pwojè sa a jenere. Mwen pa ka tann pou m wè selebrasyon achèvman Tèminal 6 la ak tout pwojè ki fè pati transfòmasyon konplè Ayewopò JFK a".

**Lidè Majorite Konsèy Vil New York, Whip ak Prezidan Komite Transpò ak Enfrastrikti a, Selvena N. Brooks-Powers, te deklare** "Mwen bat bravo pou

inogirasyon jodi a nan novo Tèminal 6 entènasyonal JFK a. JFK se yon motè ekonomik pou vil la ak pou Distri Konsèy 31 an, epi reyamenajman avèk siksè li pral ede asire estati li kòm yon pòtay mondal pwolonje byen lwen alavni. Li enpòtan anpil pandan pwojè sa a ap kontinye, pou pwogram nan satisfè objektif itilizasyon MWBE ambisy yo, angaje kominate ki alantou a, epi adrese bezwen manm kominate ki afekte yo. Mwen pa ka tann pou m wè achèvman Tèminal 6 la atravè yon pwosesis ki benefisyé tout Nouyòkè yo".

**Building and Construction Trades Council of Greater New York President Gary LaBarbera said,** "Inogirasyon jodi a nan yon novo Tèminal 6 nan Ayewopò Entènasyonal JFK reprezante kòmansman yon lòt amelyorasyon nan enfrastrikti enpòtan, a gwo echèl ki pral jwe yon wòl enpòtan nan revitalizasyon ekonomi New York la epi kreye plizyè milye karyè sendikal ki byen peye ak pou klas mwayèn nan epi avèk avantaj. Nou dwe kontinye envesti nan pwojè sa yo ki kreye opòtinite karyè dirab pou moun k ap travay yo nan vil nou an, epi nou remèsye Gouvènè Hochul pou lidèchip kontinyèl li ak devouman fèm li pou asire ke pwojè k ap kreye travay sa yo se pòtay nan yon novo epòk nan New York. Manm nou yo pare epi pa ka tann pou yo ogmante travay yo pou konplete pwochen etap sa a nan modènize totalman Ayewopò Entènasyonal JFK pou li vin tounen yon sant transpò egzanplè ak klas mondal ke Nouyòkè yo ak vizitè nou yo vrèman merite".

**Justin Rodgers, ki se Prezidan & Direktè Egzekitif Jeneral Greater Jamaica Development Corporation lan, te deklare,** "Reyamenajman masif k ap fèt atravè Ayewopò JFK a pral re-establi li kòm youn nan premye pòtay entènasyonal nan mond lan. Vizyon Gouvènè Hochul pou JFK pral gen yon enpak alontèm sou reyon metropoliten an. Nou fyè dèské nou te ede Gouvènè a ak ekip li a ak Ko-Prezidan Reyamenajman JFK (JFK Redevelopment) yo jwenn biznis minorite ak fanm yo posede nan Sidès Queens pou patisipe nan travay la".

**Carlo A. Scissura, Esq., Prezidan ak Direktè Egzekitif Jeneral, Kongrè Konstriksyon New York la (New York Building Congress), te deklare,** "Nou kontan anpil pou nou selebre inogirasyon novo kokenn Tèminal 6 Ayewopò JFK a. Tout kote w ap gade nan New York, gen yon lòt pwojè transfòmatè ki ankou epi Tèminal 6 la se yon egzanp pafè pou sa. Etap enpòtan jodi a vle di plizyè milye travay nan endistri ki byen peye epi sa pral lakòz yon eksperyans pasaje amelyore nan youn nan sant vwayaj ki pi enpòtan nan reyon nou an. Nou felisite Gouvènè Hochul, manm Kongrè Konstriksyon ki dèyè pwojè a, ak bann patnè ki te ede mete sou pye Pwogram Reyamenajman an".

**Reyamenaje JFK Airport dekonsè ak kominate lokal la**  
An 2018, yo te fòme Konsèy Konsilitatif Kominotè pou Reyamenajman JFK (JFK Redevelopment Community Advisory Council). Li ko-prezide pa Reprezantan Ameriken Gregory Meeks ak Prezidan Minisipalite Queens lan Donovan Richards, epi li gen ladan fonksyonè eli, konsèy kominotè, biznis ak òganizasyon san bi likratif, òganizasyon sivik, ak lidè reliye yo nan kominate lokal yo vize nan Sidès Queens, Sidwès Queens, Rockaways yo ak pati Iwès yo nan Konte Nassau.

Depi kreyasyon li, Konsèy Konsilitatif la ap travay avèk Otorite Pòtyè a pou elaji efò sansibilizasyon kominote a epi devlope pwogram ki fokis sou kominote a, asire ke pwojè anbisye sa a mande opinyon kontinyèl moun ki gen enterè lokal yo epi bay opòtinite siyifikatif pou biznis lokal yo, MWBE yo, etidyan yo ak moun k ap chèche travay yo.

Sa gen ladann pwogram pou fè avanse angajman Otorite Pòtyè a pou yon objektif kontra Biznis ak Antrepriz ke Minorite yo ak Fanm yo Posede (Minority and Women Owned Business Enterprises, MWBE) ki se 30 pousan nan tout kategori travay, ak yon konsantrasyon espesyal sou opòtinite pou biznis lokal yo atravè tout aspè nan pwogram Reyamenajman JFK, ki gen ladan pwojè tèminal sa a, ki pral bati pa travayè sendika datre yon akò pwojè travay konplè. Lòt inisyativ devlopman kominotè ke Konsèy la prioyize konsantre sou opòtinite travay ak pwogram devlopman mendèv pou rezidan lokal yo, sansibilizasyon ak devlopman ti biznis yo, ak pwogram edikatif pou etidyan lokal yo.

### **Transfòme JFK an yon Pòtay Global Klas Mondyal**

Nan mwa janvye 2017, yo te annonse Plan Vizyon JFK pou transfòme Ayewopò Entènasyonal John F. Kennedy pou fè li vin yon ayewopò klas mondal ke Nouyòkè yo merite. Plan Vizyon an bay yon kad estratejik pou Otorite Pòtyè ak patnè li yo pou yo konplètman reyamenaje, modifye ak elaji enstalasyon ak enfrastrikti ki egziste deja. Nouvo Tèminal 6 la bati sou dinamis lòt twa eleman majè nan transfòmasyon ayewopò ki deja ankou a. Devlopman 9.5 milya dola yon Nouvo Tèminal Youn dènye model ki pral jere bò sid ayewopò a te kòmanse an septanm 2022. Ekspansyon nan Tèminal 4 la ki koute 1.5 milya dola, ki te dirije pa Delta ak JFK International Air Terminal, an konstriksyon kounye a. Anplis de sa, modènizasyon ak ekspansyon 400 milyon dola nan Tèminal 8 la, ki te dirije pa American Airlines, ki opere tèminal la, ak British Airways, ki te demenaje pou ale nan Tèminal 8 la ane pase, te fini an novanm 2022.

Tout pwojè tèminal ki gen finansman prive yo ansanm ak pwojè wout, pakin ak enfrastrikti Otorite Pòtyè a reprezante yon transfòmasyon 18 milya dola JFK International ak yon seri patenarya publik-prive ekstrawòdinè. Evestisman kapital Otorite Pòtyè a ki se 2,9 milya dola ap pwofite envestisman prive nan yon pousantaj ki plis pase senk rive nan en lè li konsidere envestisman prive total ki plis pase 15 milya dola ki te angaje nan kat pwojè ki gen ladann pwogram redevelopman JFK konplè a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)